

Тамхи болон эрүүл мэнд. Тамхи болон мөнгө. Хүмүүс ихэвчлэн "Тамхи бол эрүүл мэндэд хортой" гэж ярьдаг. Өөрөөр хэлбэл энэ үг нь улиг болчихсон байж магадгүй юм. Тийм учраас миний бодлоор "Тамхи бол мөнгөний дайсан" гэж хэлж ярьж, сурталчилгаа явуулбал ямар вэ (бол) гэж их боддог. Яагаад гэвэл, орчин үеийн хүмүүс мөнгөнд их дуртай. Магадгүй эрүүл мэндээсээ ч илүү байж болох юм. Тийм болохоор тэрхүү дуртай мөнгөөрөө тамхи мэтийн зүйл худалдаж авах хэрэг байна уу? Эсвэл тамхи худалдаж авч буй мөнгөө цуглуулж зурагт ч юмуу машин ч юмуу өндөр үнэтэй зүйл худалдаж авцгаая гэх зэргээр уриалвал зүгээр гэж хэлмээр байна. Ялангуяа эмэгтэйчүүд тамхи их татаж байна. Элдэв гоёл чимэглэлд дуртай болохоороо тамхи худалдаж авахынхаа оронд тэрхүү хүсээд байдаг гоёлоо авсан нь дээр шиг. Би ч эмэгтэй учраас ...

Нөгөөтэйгүүр тамхи татах нь эрх. Дээрх эрх нь хэнд ч байх. Тийм ч учраас зарим хүмүүс "Миний эрх юм чинь энэ нь хэнд ч хамаагүй." гэж хэлдэг. Тэгвэл, яагаад бүх хүмүүс "өөрсдийн эрхээ эдлэж" тамхи татдаггүй юм бэ? Бодох л асуудал.

Эцэст нь багахан тооцоо хийж үзвэл нэг хүн өдөрт тамхинд 500 төгрөг зарцуулдаг гэж үзвэл нэг жилд 180 мянган төгрөг зарцуулах болох нь. Яг зурагт авах мөнгө. Иймээс тамхи нь үнэхээр "мөнгөний дайсан" мөн. Хэрэв тамхичид тамхиа хаяад тэр мөнгөө цуглуулж чадвал тун удалгүй саятан болох нээ. Уриалга: "Тамхиа хаяж баяжицгаая!"